



12 №

ода-кора 15 лун  
2015 во



## Менал чужанінын война...

Ме чужи да быдми Донецк обласьтса нейджд лонь карын — Зугрэсын. И некор эг чайт, мый сійос вермас чашвартны неминуца. А заводитчис ставыс Украина юкөмсянь. Кольччыны СНГ-ө либө пырны ЕЭС-ө?

2013 вося декабрын Виктор Янукович веськөдлөм улын правительство шуис пырны ЕЭС-ө, и Украинасө пондिसны «сынавны» европаса бала серти. Но бөрья здукас Янукович вежис мөвпсө и вуджөдіс ЕЭС-ө пырөмсө 2014 вося март вылө.

Тайө кадсяньыс ставыс и увланыюрасис. Первой вөлі Майдан вылын «йөктөм», сэсся вийсьөм-тышкасьөм. Быдторыйын мыжалісны Януковичөс да тшөктісны мунны удж вывсьыс.

Но ме ог гөгөрво, мыйла Киевьыс да Рытывыв Украинась йөзыс пондисны воавны Донецкө. Помнита, өтчыд ветлі сэтчө велөдчыны, а уличөдыс шөйтөны мужичөйяс да зоньяс, кианыс паличьяс, стеклө бутылкакась «розочкаяс». Менө босьтис таыс шуштөм, но эг вермы думыштны, мый лоас водзө.

Регыд мысти нуөдісны референдум Донбасслөн Украинась торйөдчөм серти. Но тайө шуөмыс уналы абу воөма

сьөлөм вылас. Дерт, өд Донбассын и из шом, и металлургия, да и унджык сөвмөм карыс — Рытывылын.

А сэсся Луганск обласьтын да Донбасс дорын пансис тыш Украиналөн мөд юкөнкөд. Ми дыр эг эскөй таө, эг виччысьөй, мый сійө воас и мянөдз. Чайтгім, дурыштасны и умасны. Но, вөлөмкө, ставыс водзын на. Гожөмнас пондисны усьласьны и Донецк обласьтса мукөд кар вылө. Украинаса армия видліс босьтны кытшө да сиптыны Россияө петанін, сы вөсна мый йөзыс пышйөмөн пышйисны. Эралісны танкьяс, боевой техника.

Август 12 лунө менсьым карөс пондисны лыйлыны. Лыйлісны йөзаинөджык: школа дор эрдьяс, стадионьяс, пляж. Пыр жө лои төдса, мый пөгибнитөма 24 морт, и на пиын 14 челядь. Но украинаса телевидение юөртис: «Вөлі лыйлөма Зугрэс кар, некодөс абу дойдөма ни виөма».

Сөрнитчөм серти тайө косьсө некымынысь дугөдісны октябрын, ноябрын, декабрын, январын. Но сөрнитчөмсө отырышья торкисны.

Өні май нин, а украинаса армия век на лыйлө Донецкөс. Карса олысьяслы оз тырмы сөяныс, некытысь оз вайны и. И тадзи воөн джынйөн нин.

Бать-мамөй да ичөт вокөй кольчисны гортө, а ме локті Сыктывкарө (мамлөн чужанінө), мед босьтны бур төдөмлун, көть эськө дасьтысы велөдчыны Донецкса «Эрудит» лицейын. Өні меным зэв өна оз тырмы музыка, кодөн ола-нокся квайт арөссянь, а сідзжө сьылөм. Тані, искусство гимназияын, он гажтөмтчы, но художествоа юкөн пыдди эськө бөрйи музыка, вөлі кө сэтшөмыс и дасөд классын.

Ті юаланнды: «Мыйла ми ставөн огө вуджөй овны татчө?»

Ме вочавидза: «Сэні — менам чужанінөй, керкай!»

Кутшөм көть сьөкыд эз вөв Зугрэсын, но чужанінтө, кыдзи и бать-мамтө, он бөрйи. Меным зэв өна воөны сьөлөм вылө и татчөс вөр-ва, и төвся шөнді. Но век жө бырө гажөй степысь, гожся жар луньясысь. И кытчөдз кутас сулавны керкай, ме лоа ськөд и понда эскыны, мый регыд нин сэні олөмыс бөр ладмас!

*Маргарита МЕДВЕДЕВА, Кому Республикаса Ю.А.Спиригонов нима искусство гимназияын  
10 «в» классын велөдчысь.*

## Вой кыалон уна пөлөс көсынка

(Заводитчөмыс 10 №, 4-5 л.б.)

### Корсьоны нывбабаос

Медводдза стойбищеөдз воөдчим да төдмасим көр видзсыяскөд. Вөлөмкө, уналаын оз тырмы чомйын нывбаба уджалысьыд, и найө ыджыд надеяөн видзө-дисны миян вылө, налы окота вөлі став нывсө кольөдны ас дораныс. Дерт, ми найөс гөгөрвоам: тундраад өткөн он вермы овны, орччөн колө морт, медым отсасис, видзис чом пытшкөссө, дасьтис сөян-юан. Но мыйлакө өнія кадө геждө коді мөдөдчө уджавны тундраө. Сөмын тундрасө, сылысь вөрзбөддлөтөм мичсө радейтөм вермө кыскыны сэтчө! А өнія олөмыс сэтшөм, мый сөмын колө котөртны, медым нажөвитны унджык сьөм, өтуввезйын пукавны — думыштөм олөмын овны. И чайтам, тайө медшөр визыс олан туйын. Ми вунөдам думайтны лов, сьөлөм йылысь, көть и волам му вылас гөститны асьнымөс гөгөрвоөм понда. Некор эг думыштлы, мый тундран верман лоны ловнад вөр-вакөд сэтшөм матын. Татөн лолыд оз музд. Сийө бордьясьө! И сөмын!



### Кор мойдчысьыд бур — өдйө унмовсян!

Ывлаас рөмдис нин. Ми воөдчим вөр керкаяс дорө. Сэни төдмасим көр дорө ветлысь Анатолий Чупровкөд. Сийө, вөлөмкө, тундратөггыс оз вермы овны. И өтнас ньөти оз гажтөмтчы. Миянөс радпырысь жө паныдалис. Пачьяс ломтис. Но өти вөр керкаас пачыс вөлі зэв лөк, и пескыс веськалис уль. Анатолий дядь босьтис сэки бензин, чөхнитыштис пач пытшкас. И пачыс быттьөкө садьмис-варовмис. И керкаыс шоналис. А рытнас менө чуймөдис со мый: тундраө миянкөд тшөтш воис Петербургса музейын уджалысь Александр Алексеевич Чувьюров, и, кор ставөн водисны узьны, сылөн унмыс воши! А таөдз быттьө век вугралис да очсалис. И со! Легендаяс сылы окота лои висьтавны! И медым оз лөгась, дерт жө, шуим, мед висьтасяс. Но ми эг төдөй, мый сылы окота варовитны войбыд. Сийө пуксис пач бокө да пемыдас асылөдз сөрнитис. Мукөдыс мойдөмсьыс лөсьыда унмовсисны. Медся өдйө войыс козыналис вөтьяс Изьва районса Мокчой сиктысь Ваня Витязевлы.

### Ваня Витязев первойысь веськөдлө буранөн!

Мый верма шуны Ваня йылысь?! Тайө зонмыскөд чужан муын эг слөймы паныдасьлыны. А гашкө, коркө адззылі, но өни ог нин помнит. Ваня — абу ышмысь морт, век дась отсавны орчча мортлы. Сийө велөдчис ветлыны «Буранөн». Но сыкөд снегоходнас мунигөн кылі, мый вермам лэбзыны. Ваня радейтө тэрмасьны. И збыльысь ми сунгысим лымйө! Некор ог вунөд зонлысь повзбөм синьяссө. Ваня сэсся «Буранөн» эз веськөдлы.



### Весиг бур мойдчысьыд скөрмылө!

А өни бара казтьышта Александр Алексеевичөс. Мойдчигас сөмын гөлөсыс сылөн кылис. Пемыд дзик вөлі да. Кутшөмкө здукө чайтсис, мый мортгыс абу, выйим сөмын — гөлөсыс. Тайө мортгыс — бур мойдчысь. Сы мында легенда висьталис! Со мый колис памятам: вөлөмкө, важөн-важөн овлөмаөсь сихиртя войтыр. Найө вөлөмабсь ичөт тушаа, кельыдлөз синьяса, мича паськөма йөз. Шуөны, мый найө муномаөсь овны му улө. Но коды мойвилис найөс паныдавны — шуд водзын. Сихиртя войтыркөд йитчөма со кутшөм легенда: олөмаөсь-вылөмаөсь ненеч рөдысь чери кыйысь да сылөн мам. Найө олөмаөсь мыльк дорын. Тшөкыда том зон кайлөма мыльк вылас, шмонитөмпырысь таркөдчылөма муас

и шуалöма: «Старик-сихиртя, вай меным ассыд нывтö, босьта сийöс верöс сайö, а он кө сет — кисьта керкатö!» Коркö чери кыйыссыд воас гортас, водас нин узьны и другысь кылас гөлöс: «Кöни тэ? Ме вои». Зонмыд повзяс и нинöм оз вочавидз. А сылөн жырйö пырас ныв: ачыс дзоляник, но сэтшöм мича! И вись-талас чери кыйыссыдлы, мый батыс ыстöма сийöс, медым зон оз жуглы-кисыт налысь керкасö. Чери кыйысь век чöv олас. А сэсся кор мичаник ныв аддзас зор вылын öшалысь öсетрина — повзяс да пышгья! И оз волы. Некор. А зонмыд вештас ассыс чумсö мыльк дорсыс бокöджык.

Медводз легендаясö сюся кывзи, а сэсся Александр Алексеевичлөн гөлöсыс ылыстчис и ылыстчис... Асывнас нин тöдмалі, мый сийö абу öтчдысь шыаслöма ме дорö, мыйкö юасьöма, а вочакыв пыддиыс менам — шкоргыссьöма! Экспедиция бөрья лунöдз сийö ставлы висьтавліс, мый лыддьöма асьсö бур висьтасысьöн, а ме понда видзöддасыс вежсьöма.



## Чери кыйим

Асывнас мунім «Поросозеро» стойбище дорö кыйны чери. Нуöдис мянöс медшөр экспедитор, шань морт Михаил Бараковский.

Вөлөмкö, йи улас кулөмгьяс! А чериыс! Быттьö пес! Кыйим сизим кебös, куим кумжа да öти налим. Бура и радлім та мында кыйöмторсыд! И жаритім черисö, и солалім! Öти кывйөн кө — чöсмасим!

## Кöни тэ, еджыд сюзьöй?!.

А сэсся другысь быттьö лолам кодкö тэчис изгьяс. Медся ыджыдгьясö бөрйис. Орчөн мекöд лабич вылын пукаліс Анатолий Чупров. Ме тöдi, мый менам тешкодь юалөм вылö сийö оз вочавидз либö чöv коляс. Юаси сылысь веськыда, кысь корсыны еджыд сюзьöс? Мужичöй шензгытöг висьталіс, мый сийö тылөн мөдар берегас. А чуймис сыысь, мый сэнi ме эг на вöвлы! Ачым сэки шöйöвоши. Забеднö лои. Öд тайö сюзьыскöд унатор йитчöма: садьмысь шондi, катшасингьясöд исковтысь югьялысь лысва, тыö видзöдчысь радейтöм, тыö видзöдчысь торйöдчöм. И тундраö вои, медым лэбачсяныс тöдмавын öти Кыв. Сöмын Кывйыс эськö дөмлiс вурьсыссьö ловсыым. А то öд — еджыд сюзьыс мөдлапöлас! Вемöс-өн — эг аддзыв сийöс. Вöтын лэбачыс уськөдiс лолам вой кыалысь уна пөлös көсынка...




Вой кыалөн уна пөлös көсынкаöд  
лолам исковтiсны  
уна рöма шыпасгьяс.  
Бергöдлi найös, быттьö  
чунь помгьясын,  
корси-лөсьöдлi Кыв —  
сылiсны!  
А кольöм дзирднас  
кодiкö мелiа  
мавтiс лов пытшкөссым  
быд вурьыс.  
И сöмын еджыд рöма öти шыпас — эз сыв, —  
Тэнад нимыдлөн первойя шыпасыс.

*Лист бокгьясö гасьтiс Любовь АНУФРИЕВА.  
Снимокгьясыс Виктория ГАБОВАЛÖН.  
Водзö лоас на.*



*Татьяна ШАХОВА*

Аслас кывбуръясын Татьяна висьталӧ олӧм вылӧ мичсӧ, восьтӧ миянлы сьӧлӧм дойсӧ.  
Коми кыв дорӧ муслун, кывсӧ бура кылӧм сетӧ



*«Мам кы  
шензьӧдан»*



Тайӧ номерсянь редколлегия кутас пасйыны быд петасын ӧти авторлысь аслысьяма мӧвпаланногсӧ мырпом тусьӧн. Талун ми сійӧс сетам Татьяна Шаховалы.



*Мырпомсӧ серпасалис Юрий ЛИСОВСКИЙ.*

*Серпасыс Максим МИХАЙЛОВЛӦН,  
Коми Республикаса Ю.А.Спиригонов нима искусство гимназияын 6 «в» классын велӧдчысьлӧн.*

видзодлассө, петкөдлө сійос кытшалысь вөр-ва  
том поэтлы позянлун гижны стөча.

*В ёль кодь  
а, сөдз...»*

\*\*\*

Өшкамөшка джоджө канькөд водөма,  
Зарниалис шонді менсьым жыр,  
Сырчикъяслөн, майбыр, уджныс содөма,  
Юлысь йисө тольскө налөн ныр.

Тувсов йиыд натөг эськө кылалас,  
Он төд, таво ытва босьтас кыт.  
Льом пу вылө видзөдигөн ылавла,  
Дженьыд меным тувсов мойдся рыт.

Дзиръя өшинь асывводзнас костөда,  
Палялас мед быд пельөсысь ун.  
Синмөс шонді көчильөн мед ворсөдас  
Югдөм енэж рөма тувсов лун.

\*\*\*

Гусьоникөн пеляд мыйкө шөпкөда,  
Вочакывйыд торъя оз и ков.  
Менам синмө видзөдлы тэ веськыда,  
Нинөмысь ме сэсся ог нин пов.

Веськыд кывйыд морттө эськө жугыльтө,  
Овлө, паныд швичкө чизыр төв.  
Ылөдчөмыд олөмтө век гугөдө,  
Кутшөм мича мойдөн көть эз вөв.

Рөкыд эм. Но овлам-ө ми мыжаөсь?  
Эдзык медым олөм лөк ног лет.  
«Черновикъяс» олөмад өд абуөсь,  
Выль пөв гижны некод тэд оз сет.

### *Муса Коми му*

Ставлы муса роза оз и ков,  
Лежнөг дзоридз меным вылө тырмас.  
Коми вөр-ва мичысь кыптас лов,  
Шысьыс, чөскыд көрсьыс сьөлөм бурмас.

Виноградысь чөскыд сьөлаоз,  
Өзйө-ловзьө муслун льөм пу дорын,  
Лунвыв лэбач весиг вөчө поз  
Тани, менам чужан войвыв муын.

Мам кыв ёль кодь шензьөдана, сөдз,  
Кага ланьтліс коми сьылан улө,  
Коми гижысь, водзө чужты-көдз  
Мича петас-гижөд Коми мулы!

Эн на вунөд менө, пөрысь сикт?  
Эжва юлысь, көнкө, шысө кывзан.  
Таво гожөм виччысь, локта дзык,  
Лөсьөдлам на тэа-меа пызан.

\*\*\*

Көні менам төв ныр тэрыб вөлөй,  
Вунны кутіс сьлөн тільгун шы.  
Садьмөд-пальөд, вильыш руа төлөй,  
Дугдыв юө серпасавны гы.

Ласта шөрын, лыдтөм дзоридз кытшын  
Некодлы нин юркытш ме ог кы,  
Мыйкө воши, сотчис морөс пытшкын,  
Визув ёльысь артмис пемыд ты.

Гашкө, меным мича асыв мыссис,  
Енэж дасьтис козин — кыа вөнъ.  
Дзоридз моз мед бара сьөлөм воссис,  
Пессис-радліс водзө, а эз лөнъ.

Кырнышыс юр весьтын оз нин шлывъяв,  
Гулюяс сэн, югыд енэж от,  
Шонді-мамлы төрам ставөн сывъяс,  
Кынмыны оз сет и оз на-й сот.

Гашкө, воча вөлөй менам рөдтө,  
Кыпөдө кок увсьыс гожся бус.  
Тільгун сьлөн сьылө, зильгө-йөктө,  
Медым ловнам некор ме ог кус.

## СЬӖЛӖМЫН ЙӖЛӖГА

Ӗнӓ кадӖ челядькӖд колӖ тшӖкыджыка сӗрнитны войналы сӓм гижӖдьяс серти, медым пуктыны вежӖраныс миян салдатъяслӖн подвиглысь тӖдчанлунсӖ. ТорйӖн нин кывбурьясын бура воссьӖ войтыр вывтӓ нӓм шогыс, дойыс. Вель уна кывбур коми поэтъяслӖн сӓма Айму вӖсна Ыджыд тышлы. А сӓдзжӖ ВермӖмсӖ матыстны отсалысь йӖзлы.

Коми Республикаса Ю.А.Спиридонов нима искусство гимназияын велӖдчысьяслы ӗна воӖма сьӖлӖм вылас Серафим ПоповлӖн «Мам» кывбур. И налы окота лӖма юксыны лыддысьысьяскӖд сы серти мӖвпьясӖн.

### «ТӓнӖ аддзылі ме талун вӖтӖн...»

Серафим ПОПОВ

#### Мам

ТӓнӖ аддзылі ме талун вӖтӖн.  
СьӖкыд веритны ассьым шуд —  
Степяс вомӖн, кӖн пуляыс сӖтӖ,  
БыттӖ мелань тӓ корсин туй.

Югыд образ кодь, шойччан кадӖ,  
Аслад сьӖлӖмысь дзевиг дой,  
БыттӖ пырин тӓ ичӖт блиндажӖ,  
Меным юр вылӖ пуктӓн сой.

Медым другъяслысь лов шы не дзутны,  
ПӖся кутлӓн. О, кутшӖм вой!  
Сӓдз эг тӖд: гашкӖ, тӓнад усис  
КымӖс пельӖсӖ синва войт?

Миян ун вӖлі муса да мелӓ.  
СмертьӖдз мудзим. Но верит, мам,  
Кияс нюжӖдӓ унзильпыр тӓлань,  
СӖмын шамыртли кӖдзыд нар.

Меным веритас сӓйӖ, кӖд талис  
Биа лунъяслысь сьӖкыд туй.  
Важ привычкаӖн пӖрысь мамӖй,  
КрестӖн пасйӖмӖн, сиис шуд.

Ме ог верит ни енмӖ, ни чӖртӖ,  
И оз повзьӖд атакалӖн ад,  
Но кыдз олӖмын меддона ӗртлысь,  
ЧӖла примитӓ пернапас.

Ми сигнал серти сувтӓм ставӖн.  
Бара важ мозыс гымгис мир.  
— СьӖкыд туй вылӖ, — шыӖдчи, — мамӖй,  
СтавнымӖс благӖсловит.

ТӓнӖ аддзылі ме талун вӖтӖн.  
СьӖкыд веритны ассьым шуд —  
Степяс вомӖн, сраженъеяс вомӖн  
БыттӖ мелань корсин туй.



СерпасӖ босьтӖма Ӗтуввезйысь.

### *Алина Амосова:*

«Серафим Поповлөн «Мам» кывбур корö мөвпавны оломаным мамлөн коланлун йылысь. И торйөн нин война кадö.

Мам — абу сөмын быдтысь, мам — аңдел: быдсяма лоомторйын сийö отсалас-велодас. Съöкыд здукö ми гөгөрвоам, заводитам кывны, мый мам век дорся, көть и збыльвылас ылын. Босьтны кө война кад, мамлөн образыс сетö вын, козьналö лача, мый ставыс лоö бур.

Мам вермас төдмавны тэнö сё мортысь. Сөмын сылөн съёлөм кылас тэнсьыд съёлөм тшкөмтö.

Мам да челядь костын эм топыд йитöд, кодöс оз вермы торкны некутшөм лоомтор. Бур мам век кутас төждысьны тэ вöсна, кутшөмөн көть он чуж. Век кутас майшасьны, көть и төдö, мый тэнад ставыс бур. Век кутас кевмысьны Енлы, мед оломьд артмис.

Мам — медся дона морт менам оломын. Ме кыла сылысь радейтöмсö. Мам — менам кодзув, кодi отсалö корсьны оломö туй».

### *Дария Булышева:*

«Вöли война, вöли дой, тшыглун, кулом. Усьöмысь салдатясöс видзисны меддона йöзыс: баб, мам, чой, муса ныв, кодьяс век эскисны вермөмö и виччысисны геройяснысö лёк вийсян му вылысь.

Серафим Поповлөн «Мам» кывбурын сёрниыс муно салдат нимсянь. Аски сылөн тыш. Съöкыд вöтын мамыс воö сы дорö:

Тэнö аддзыли ме талун вөтөн.

Съöкыд веритны ассым шуд —

Степяс вомөн, көн пуляыс сötö,

Быттьö мелань тэ корсин туй.

Мам отсалö салдатлы колявны тайö лёк кадсö, эскыны аслас ёртгясö и чужан муö. Сийö ассыс челядсö видзысь аңдел кодь. Мамлөн эскöмыс да бур кывйыс вермас быд лешакöс и видзас челядсö вошöмысь».

### *Полина Узнатова:*

«Серафим Алексеевич ачыс вуджис война туйяс. Сылөн уна гижöд йитчöма тайö съöкыд воясыскöд. Шуам, сийö жö «Сталинградскöй балладаыс». Ставсö поэт аддзывлis, ас пырыс лэдзис. Эз ылöсас сөр.

Меным веритас сийö, код талис

Биа лунгьяслысь съöкыд туй.

Кор мянлы съöкыд, дум выланым усьö чужтысь-быдтысьным. Көть и абу нин нёнпом кагаяс, век колö төдны, мый көнкö тэнö виччысьöны. Со и С.Поповлөн кывбургяс пиысь öти сiдз и шусьö — «Мам».

«Тэ эн майшась, а ме видза тэнсьыд унтö», — быттьö шуö лирика геройлөн мамыс.

Водзын пöрысь ыджыд мам вöлом лөвтö туйö петысьясы: «Кристос ки вылад», — мед кокни вöли йöз муын. Со и автор гижö:

Важ привычкаөн пöрысь мамöй,

Крестөн пасйөмөн, сиис шуд.

Сiдз жö, кыдзи Серафим Поповöс, мянöс быдтисны атеистгясөн:

Ме ог верит ни енмö, ни чөртö,

И оз повзьöд атакалөн ад,

Но кыдз оломын меддона ёртлысь,

Чöла примитi пернапас.

Кодралö том зон, и кажитчö сылы, мый морт, кодi сы йылысь оз вунöдлы, майшасьö-шогсьö, локтiс да «...юр выlö пунктiс сой».

Лөнх... «Миян ун вöли муса да мелi».

Кор мянöс радейтöны, «бус пöлявны мян вылысь» дасьöсь, — век лөнх...»

### *Олеся Жудякова:*

«Мам... Мыйга вежортасыс тайö кывгяс.

Водзын ме некор сэтшөм пыдöдз эг сунгысьлы коми поэтгяслөн кывбургясö. А кор лыдди Серафим Поповлысь «Мамсö», бан бокöд визувтiс синва. Унаөн лыддöны, мый мужичöйяс ёнөсь, мый найö оз бөрдны, но, буракö, война вермö небзöдны и мужичöйлысь съёлөмсö. «Мам» кыв кутö ас пытшкас уна-уна съёлөмкылөм. Көть кутшөм съöкыд оз овлы лов вылад, мамтö казгыштöмыс век отсалö. Весиг му помсянь мамгяс дасьöсь локны челядыслы отсöг выlö, медым мездыны неминучаысь налысь оломсö, пöльыштны эскөм на лодö. Ме чайта, Серафим Попов бөрйис кывбурыслы татшөм ним, сы вöсна мый мамтөг ми эськö эг лоий. И эгö эськö вермөй Айму вöсна Ыдждыд тышын».



Снимокыс Ирина Калининалӧн.

## «Ичӧт ю» конкурс

Тіян сиктын да сійӧс кытшалысь вӧр-ваын, кӧнкӧ, эмӧсь сэтшӧм инъяс, кодъяслы важ пӧль-пӧчным коркӧ козыналісны ним. Но кузь кадӧн ю-шор, видз-сӧн, вӧр-яг воштӧны ассыныс тӧдчанлунсӧ. И кутшӧмсюрӧ места нимъяс бырӧны йӧз вежӧрысь.

Чайтсьӧ, тіян пӧвстын сюрас морт, кодӧ став сьӧдӧмсянныс радейтӧ чужанінсӧ да окотитӧ пыдісянь-джык туявны сылысь олӧмсӧ. И та могысь «Йӧлӧга» газетлӧн «Ы» литература петас нуӧдӧ конкурс, мед йӧзӧдны иннимъяс йылысь медся бур гижӧдъяссӧ аслас лист бокъясын. Найӧ кутасны донъявсыны арлыд тӧд вылӧ босьтӧмӧн: 7-10; 11-14; 15-17 арӧсаяс пӧвстын.

Конкурс вылӧ уджъяс колӧ ыстыны декабрь 1 лунӧдз татшӧм адрес серти: *Сыктывкар, К.Маркс улица, 229 керка, «Йӧлӧга» газет редакция, «Ы» петас, пасйыны: «Конкурс вылӧ»*. Уджъяс сідзжӧ позьӧ мӧдӧдны электроннӧй адрес серти: *y-2014@mail.ru*.



Редколлегия:

Елена Афанасьева, Юрий Лисовский, Алена Шомысова,  
Галина Макарова, Мария Игушева.

